

三晉見聞錄

光緒六年春重刊  
于天空海濶之居

重刊三晉見聞錄序

此編乃雨峯先生主講晉陽書院時所作凡三晉名勝之區物產土風異聞軼事皆有紀載而於傳青主之蔡忠襄公傳書死難事太畧且多微辭特引正史爲之辨誣且據府志補附同知李一清之主於忠襄祠爲文祀之又以王太史瑋所記周遇吉死難事得之公故卒太原馬守備所述者與佗書異以爲悠悠之口未足深信發微闡幽有關名教臬比講學之暇佗無所嗜惟矻矻從事於鉛槧不肯虛拋歲月先輩之勤於著述若此今人萬不能及之而我玉谿乃有祖風所撰見聞隨筆寓

三晉見聞錄

序

勸懲於寸楮垂法戒於大千君自號天然頭陀吾謂其婆心苦口實從劫中生悟故能奉先生之訓不忽於所見所聞也先生既有令子復有賢孫爲之掇拾遺蹟重登梨棗九泉之下先生其無憾矣夫開卷有益今日讀先生遺書又識一鸚字彼見聞不廣者方訝爲矜奇炫異夫抑知其確有見聞也耶

光緒二年春二月定遠方濬頤謹撰

三晉見聞錄

目錄

凍桂花

書庫碑

三立閣 附傅山蔡巡撫傳王瑋周總兵傳

崇善寺

小五臺

純陽宮

絳帖二則

香奩大令

三晉見聞錄

目錄

一

碧落碑

吳道子南極老人圖

水陸社

奇石贊瑞碑記

裕公和尚道行碑

大鹽池

鐵冶

鑛鐵坑

小米

水田

稻米

豆葉粥

石炭

礦砂潘宗洛奏止開礦摺

晉瓷

并州剪刀

造墨場

呂道人陶硯

太原酒

羊羔酒

三晉見聞錄

目錄

二

榆次西瓜

屈地馬

白竹

上黨參

禮鼠

白松

天花

蘑菇

長松草

娑羅樹

石花魚

黑燕鴉

正月風俗

產婦

寶鳴犢城

陽曲

狄梁公槐

寇萊公別墅

雁邱

古唐國

三晉見聞錄

目錄

三

三角城

台駘澤

谷風山石字

鑿臺

中都城

左付村

龐涓洞

陽處父食邑

箕城

昭餘池

郟城

李淳風墓

梗陽城

鶯城

子夏室

攀龍臺

媚山

長城

宋徽宗御筆手詔

飲馬池

三晉見聞錄

目錄

四

高梁城

白馬城

伊村

莫茨里

堯井

演馬場

古碑

鄧子坡

郤犨城

董亭

賈鄉

鄧莊

楊城

棄瓢池

臯陶墓師曠故里

高粱亭

羊獬故墟

霍光故里

伏牛臺

晉城故址

三晉見聞錄

目錄

五

尉村

九層臺

蟠道村

文中子洞

唐堯城

冀缺故里

庭城村

王官城

曲沃辨

古絳邑

虎祁宮

晉平公故梁

趙莊

羊舌村盈村

新店

堯都后稷生處后稷墓

舜王坪

丹山

故城村

熒庭城

三晉見聞錄

目錄

六

藐姑仙人銅鞋

綿山

小女鎮

彘城

屯留

銅鞮

豫讓橋

石梁

黎侯故城

臯落故墟

子夏石室

郭宗林宅

京陵城

平遙中都

吉甫將臺

鄔城店

忌坂

郭家村

北干臺

希夷殿

三晉見聞錄

目錄

七

呂梁碑

一經樓

叢桂窟

石人臺

娘子城

鄂國公故宅

班氏故居

橫生隘

棄甲苑

羊頭山神農井

原伯故城

岳將軍寨

荆浩居

陶城雷澤

河曲

韓文公故里

鶴鵲樓

瑕城

桑泉城王官城解梁故城

王官谷石硯

三晉見聞錄

目錄

八

猗氏縣故蹟

杜如晦故里

鳴珂里

古綸邑

龍馬負圖

秋風詞亭

許由洞

女媧煉石補天處

試劍峰

老君堂後崖石刻

馬首村

仇猶國故墟

龍門

昔陽城

狀元窰

窰房

藏孤臺

公孫里

三澗溝

陳豨獄

三晉見聞錄

目錄

九

漆村印洞

霍村

摩詰故里

霍去病墓

鉞墜

長城梁

楊六郎塞

禹廟

禹蹟

古瓦

風后故里

關聖故里

蚩尤城

夏故城

巫咸故里獨樂園

傅巖版築處

閑田

古焦國

將軍戍

堃馬屹峪山

三晉見聞錄

目錄

十

古芮國

靈公臺趙文子故里

聞喜縣故蹟

禹門太史鄉

汾亭

薛仁貴故宅

明薛文清公故宅

稷山縣故蹟

車箱城

亳原

垣曲縣故蹟

耿城二屈庖義故宮

狐谷亭

斬祛垣

采桑津

響石

鸚以下補遺

唐太宗書晉祠之銘

風峪石幢

孫學裘編目重刊

三晉見聞錄

目錄

十一

曾孫功成校字

三晉見聞錄

婺源齊翀著

南北風氣不同余至山西八月廿三日曉渡綿蔓河層冰如積雪行人皆寒噤不能語余作詩云三關紫戍催歸雁八月綿蔓早合冰比至太原聞五臺山已於十八九兩日雪矣吾鄉地氣最暖若九月霜降稍早便於秋收有妨蓋稻有至十月始刈者惟每年八月一二日稍冷俗謂之凍桂花

余初至山西寓居壽甯寺寺在臬署西爲太原府都會凡四方珍貨皆萃於此土人名爲大中寺寺建於宋大中祥符按朱竹垞集宋太宗書庫碑大中祥符四年真

三晉見聞錄

宗御書勒石在太原府壽甯教寺碑爲風雨崩剝半沒土中歲久盡蝕文二千餘言僅存百字陰石尤泐所可識者太宗御製文集四十卷又集十一卷怡懷詩一卷廻文詩一卷逍遙詠一卷至理勤懷篇一卷棋勢圖琴譜各二卷蓮花心漏廻文圖若干卷襍書扇子一百三十六柄簇子七百五十三軸今尤剝落不可辨

晉陽書院在太原府城東南豐山先生延予掌院書院肇於明至江陵當國畏清議而廢南樂魏中丞巡撫山西復與之繼之者爲蔡忠襄公當忠襄撫晉時明事已不可爲然猶日與諸生講學講堂中堂後三立閣卽公

死事處也今立祠三立閣東公於死事可謂不負所學矣而青主猶於忠襄多微詞余因備考其事以正之傅青主傳曰公名懋德字維正崑山人卽萬歷己未榜陳德也旣復姓蔡以壬午某月巡撫山西方先帝憂勞天下凡撫臣陛辭皆召對問方略召公對曰臣至晉當先令晉百姓有飯喫先帝領之至晉不貪不擾虛心好士沾沾負功名者亦歸之監求通民情願聞已過八字於牌出則揭之以行蓋新建自期也公名道學先生先是官浙推官以至歷多省監司莫不講經濟學庶幾一用之有建樹晉三立書院祀晉先賢實舊講堂地江陵

### 三晉見聞錄

### 二

時廢南樂魏公允貞撫晉表章修葺之造士士多得第尋習爲故事曰書院提學較士其中於所謂三立者不知其何如也後幾四十餘年而興化吳公撫晉適宜春袁先生繼咸提晉學復共大表章之造士士亦以括帖向往袁先生多得第於所謂三立者不知其何如也公至晉卽擬集晉士講學會秋隣兵入東郡公奉旨移鎮固關一帶防西踰癸未四月兵始還太原飭集晉士館餼一如袁先生法聘魏知州權中韓舉人霖葉舉人拱陽申貢士某賈生某陳生某等講戰講守講火攻講誠明道統講財用講防河各有其說而山東人李木虎木

虎者云公舊從遊老矣喜談兵大略云以木牌爲虎城凡若干節合之如衝車中容百許人機行之可以攻城陷陣而人不能攻之陷之有司聞之竊笑之遂號其人爲李木虎以是一時監司有司多迂公講學舉公汲汲約月三集初集講堂講聖諭六句薦紳先生至鄉耆里老咸在焉再集講堂講經濟凡國家大政雜務切時利害者莫不諮辨之而鄉者不與三集則課諸生制舉義蓋因有司旣迂公諸生括帖外又無所知故未及之以寓士心時闖賊已入秦秦警孔急士沾沾要功名者益多陽浮歸之如于所謂立功者且暮焉已也秋九月賊

三晉見聞錄

三

報窺河公邊防河平陽十二月賊渡河公還太原飭守太原城至甲申二月賊攻太原公旣以巡按御史汪宗友劾奉旨革職聽勘新撫郭景昌至固關聞闖破汾州不肯進而閣部李建泰遁入清化公督晉城守亦頗殺賊有功賊日衆無援標營小將張權開南門納賊公經死三立書院中公中軍應時盛請侍公死而死之別見或云存先是公檄周總兵御極入太原爲戰守計而太原人士羣噪之以周以邊兵入城不可測周至沂矣公檄止之乃還

傅山曰余晉人故特傳公撫晉一事今世所行書云公

聞賊從保德渡河遂自平陽北還非也賊實無從保德渡河事賊既渡河入蒲晉王恐以書速公歸公亦以太原會城藩封且第歸守之圖後效其情也然既死矣復何責之公之死蓋古陳不占杜之善之流也卽死三立書院中公真不負講堂哉余嘗論公撫晉雖死實無功公有功在爲江西提學時首識揭某曾某萬某皆公得意士之數公者節義文章爭光日月公實先爲朝廷物色得之矣本朝人才命脉係提學官綦重如此

此傳青主所爲忠襄公傳也青主於忠襄多微詞且載其死事殊略殊非善善從長之義夫謀人之邦國

### 三晉見聞錄

#### 四

敗則死之君子爲其自盡而已若夫成功固不可必也青主顧以撫晉無功責之論亦刻矣按史載公甲申年正月廿三日誓師於太原布政使趙建極監司毛文炳藺剛中畢拱辰太原知府孫康周署陽曲縣長史范志泰等官吏軍民咸在懋德哭衆皆哭前山西巡按御史汪宗友劾公至是而罷官命適至以郭景昌代或請出城候代公不可曰吾已辦一死矣景昌卽至吾亦與俱死二月五日賊至城下遣部將牛勇朱孔訓王永魁出戰死之明日自成督兵攻城又明日晝晦大風拔木調張雄守大南門雄降於賊守